



REPUBLIKA E SHQIPËRISË

BASHKIA VAU DEJES

DREJTORIA E PYJEVE, TURIZMIT DHE MBROJTJES SË MJEDISIT

Spektori i Menaxhimit të Pyjeve dhe Kullotave

Nr. 08 prot.

Vau Dejës, më 20.02.2023

PROJEKT V E N D I M

Nr. 02, datë 20.02.2023

Për miratimin e planit të masave për parandalimin dhe shuarjen e zjarreve në fondin Pyjor e Kullosor per vitin 2023

Bazuar në Ligjin Nr.57/2020, datë 30.4.2020: "Për Pyjet", neni 30, pika c; Ligjin nr Ligjit nr. 115/2014 "Për ndarjen administrative-territoriale të njërive të qeverisjes vendore në Republikën e Shqipërisë", Ligjin nr 139/2015 " Për vetëqeverisjen vendore"; Ligjin Nr. 9693, datë 19.3.2007: "Për fondin kullosor" i ndryshuar. Ligji Nr. 10 431, datë 09.06. 2011 "Për Mbrojtjen e Mjedisit"; Ligji Nr. 152, datë 21.12. 2015 "Për sherbimin e mbrojtjes nga zjarri dhe shpetimi"; ligjit nr 45, date 18.07.2019 "Për mbrojtjen Civile"; VKM 1080, datë 22.12.2010 "Mbi rregullat per parandalimin dhe shuarjen e zjarreve në pyje dhe kullota", i propozojmë Këshillit të Bashkisë Vau-Dejes të :

V E N D O S I

1. Miratimin e planit të masave për parandalimin dhe shuarjen e zjarreve në fondin Pyjor e Kullosor për vitin 2023

KRYETARI

MARK BABANI

**NË MUNGESË DHE ME URDHËR
ZV/ KRYETARI
KRISTIAN SHKRELI**

Konceptoi: Z.Ujka

Konfirmoj Bazën Ligjore :

Miratoi: Rr.Ftoni





REPUBLIKA E SHQIPËRISË

BASHKIA VAU DEJES

DREJTORIA E PYJEVE, TURIZMIT DHE MROJTJES SË MJEDISIT

Nr.

Prot.

Vau Dejës, me ____/____2023

RELACION

PËR MIRATIMIN E PLANIT PËR PARANDALIMIM DHE SHUARJEN E ZJARREVE NË PYJE DHE KULLOTA PËR VITIN 2023.

Drejtuar : Këshillit Bashkiak Vau i Dejës

Të nderuar këshilltarë,

Bashkia e re Vau-Dejës ndodhet në Qarkun e Shkodrës dhe shtrihet në pjesën veriore të vendit. Qendra më e madhe e afërt urbane është qyteti i Shkodrës, vetëm 20 km larg; ndërsa largësia nga Tirana, kryeqyteti i vendit është 92 km. Bashkia kufizohet në veri dhe në perëndim me bashkinë e Shkodrës, në lindje me bashkinë Fushë Arrëz ndërsa në jug me bashkitë Pukë dhe Lezhë. Qendra e Bashkisë është qyteti i **Vaut të Dejës**.

Bazuar në Reformën Territoriale, miratuar me Ligjin nr 115/2014 “Për ndarjen administrative – territoriale të njësive të qeverisjes vendore në Republikën e Shqipërisë” kjo bashki përbëhet nga 6 njësi administrative, të cilat janë: Bushat, Hajmel, Vig Mnelë, Vau-Dejës, Temal dhe Shllak. Bashkia ka nën administrim 47 fshatra dhe një qytet. Njësia administrative Bushat ka numrin më të lartë të fshatrave (14 fshatra), i cili vijohet nga Temal (10 fshatra). Njësitë administrative Vig Mnelë dhe Hajmel kanë një numër shumë të vogël të fshatrave, respektivisht tre dhe pesë. Të gjitha njësitë janë pjesë e Rrethit Shkodër të Qarkut Shkodër.

Administrimi i fondit pyjor dhe kullor në territorin e Bashkisë **Vau Dejës**, është një funksion i deleguar i bazuar në ligjin nr. 139/2015 “Për vetëqeverisjen vendore” neni 22 pika 4 dhe neni 27 pika,5 i këtij Ligji ku shprehimisht thuhet : **Funksionet e bashkive në fushën e bujqësisë, zhvillimit rural, pyjeve dhe kullotave publike, natyrës dhe biodiversitetit** pika 5. *Administrimin e fondit pyjor dhe kullor publik, sipas legjislacionit në fuqi.*

Në Ligjin nr 45/2019 “ Për mbrojtjen civile” ,Neni 11,thuhet ; Strategjia vendore për zvogëlimin e riskut nga fatkeqësitë Çdo njësi e vetëqeverisjes vendore, me vendim të këshillit bashkiak, miraton, minimalisht çdo pesë vjet, strategjinë vendore për zvogëlimin e riskut nga fatkeqësitë, të harmonizuar me Strategjinë Kombëtare për Zvogëlimin e Riskut nga Fatkeqësitë.

Ligji Nr. 57/2020, : “Për Pyjet”.

Neni 30

Mbrojtja e fondit pyjor kombëtar

4. Për parandalimin e zjarreve në fondin pyjor kombëtar:

b) struktura përgjegjëse për pyjet në bashki, si dhe pronarët privatë, çdo vit hartojnë planin për parandalimin dhe shuarjen e zjarreve, për sipërfaqen e fondit pyjor kombëtar në territorin e tyre, ku përfshihen mjetet në dispozicion, si dhe numri i personave të organizuar në njësitë e posaçme për këtë qëllim, duke koordinuar dhe zbatuar të gjitha përcaktimet e ligjit përkatës për mbrojtjen civile, vlerësimin e rrezikut nga fatkeqësitë dhe planin vendor për emergjencat civile;

c) plani për parandalimin dhe shuarjen e zjarreve në fondin pyjor kombëtar miratohet nga këshilli bashkiak brenda muajit mars të çdo viti.

Ligji Nr. 9693, datë 19.3.2007: “Për fondin kullor” i ndryshuar. Neni 26 Organet e qeverisjes vendore dhe pronarët privatë, që zotërojnë kullota dhe livadhe, kanë këto kompetenca:

c) marrin masa për parandalimin e zjarreve dhe për shuarjen e tyre;

Ligji Nr. 10 431, datë 09.06. 2011 “Për Mbrojtjen e Mjedisit”.

Ligji Nr. 152, datë 21.12. 2015 “Për shërbimin e mbrojtjes nga zjarri dhe shpëtimi”.

“Zjarr masiv” është zjarri që zhvillohet apo tenton të zhvillohet në sipërfaqe e volume të konsiderueshme, për përballimin e të cilit, përveç forcave operacionale, mjeteve e pajisjeve që zotëron shërbimi zjarrfikës i një stacioni, kërkohet edhe pjesëmarrja për ndihmë nga stacionet zjarrfikëse të bashkive të tjera.

“Zjarr me përmasa të mëdha” është zjarri që zhvillohet në sipërfaqe e volume të mëdha, për përballimin e të cilit, përveç forcave operacionale, mjeteve e pajisjeve që zotëron shërbimi zjarrfikës, kërkohet edhe pjesëmarrja, për ndihmë, e forcave e mjeteve të shërbimeve apo strukturave të tjera operuese.

“Organizim i ndërhyrjes në shuarjen e zjarrit dhe shpëtim” është tërësia e masave tekniko organizative të nevojshme, për organizimin e forcave të ndryshme, mjeteve, pajisjeve zjarrfikëse, metodave e taktikave, të cilat përdoren për ndërhyrjen në shuarjen e zjarrit, evakuimin dhe shpëtimin e jetës së njerëzve, kafshëve dhe pronës.

VKM 1080, datë 22.12.2010 “Mbi rregullat për parandalimin dhe shuarjen e zjarreve në pyje dhe kullota”.

1. Për parandalimin dhe zbulimin në kohë të rreziqeve nga zjarret në pyje e kullota, si dhe për shuarjen e tyre, drejtoritë përkatëse të shërbimit pyjor kryejnë këto detyra:

a) Hartojnë planet e masave për parandalimin dhe menaxhimin e zjarreve në pyjet dhe kullotat, në pronësi e në administrim të qeverisjes qendrore, në përputhje me planin e masave për parandalimin dhe menaxhimin e zjarreve në pyjet dhe kullotat, të miratuar nga ministri përgjegjës, dhe me udhëzimet e Drejtorisë së Emergjencave Civile. Në këto plane të jepen në

mënyrë të hollësishme masat e veprimet e domosdoshme për parandalimin e rreziqeve nga zjarri, veprimet për zbulimin e shuarjen e zjarreve dhe për rehabilitimin e sipërfaqeve të dëmtuara nga zjarri. Përgatitja e planit operativ vjetor për mbrojtjen e pyjeve nga zjarret.

Bazuar në ligjin nr 57/2020“ Për pyjet” , ligjin nr 9693/2007 “ Për fondin kullor në RSH” si edhe VKM nr 1080/2012, hartohet plani operativ për mbrojtjen e pyjeve nga zjarri.

Për parandalimin dhe shuarjen e zjarreve në Pyje e kullota,është e nevojshme të kryhen punime paraprake në hapjen e koridoreve në pyjet që kane rezikshmeri me të larte në renien e zjarreve,si dhe vendosja e sinjalistikës per zjarret ,si sensibilizim i komunitetit.

Në rastin e shfaqjes së zjarreve në Pyje e Kullota,organizohen forca dhe mjete,cilat krahas punës në shuarjen e zjarreve,kanë e dhe kostot e tyre.


Për këtë nevojitet një fond i vecantë,brenda fondit pre 4% të planifikuar për emergjencat civile sipas ligjit.Më poshtë jepet preventivi përkatës.

NR	EMERTIMI	NJESIA	SASIA	Vlera njesi	VLERA LEKE
1	Sinalistike per mbrojtjen nga zjarri,vendosje tabeta ,parudha, etj	Cope	10	5000	50000
2	Hapje koridore ne pyje per parandlimin e zjarreve .	Ha	3	100000	300000
3	Honorare per fikje zjarri nga vullnetaret	orë pune	2500	183.7	459250
4	Ore shtese jashte orari zyrtar e personelit pyjor dhe strukturave tjera te bashkisë.	orë pune	1000	287	287000
5	Karburant	litra	1800	210	378000
	Totali				1474250

Duke ju falenderuar, ju ftojme në miratimin e projekt vendimit.


Specialist

Ing .Mark Suli



Pergjegjes Sektori

Ing.Zeqir Ujka



Drejtor

Rrok Ftoni



KRYETAR

MARK BABANI

**NË MUNGESË DHE ME URDHËR
ZV/KRYETARI**

KRISTIAN SHKRELI

